

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 510 del 08/03/2024

Traduzione in mòcheno

"Pèrng za lem: de zukunft van Hoachen Lander

[Mòcheno] S sai' offet de vrong ver abstract ont poster ver za nemmen toal en vinfte Zòmmtrèff van "Alpn" pet en titl "Pèrng za lem: de zukunft van Hoachen Lander". Der nai trèff as mòcht toal va mearer zòmmtrèffn as kearn de groasn temen van pèrng organisart va de Fondazione Franco Demarchi as bart se hòltn as de 11 ont as de 12 van schanmikeal 2024 ka Trea't.

En doi nai Zòmmtrèff billts mear bèrt kemmen gem, pet an mearervurmschloss, **en de richtung ont en de naiekaitn as noschaung en de hoachen lander**, bou as òlbe mear lait vort gea', bou as de lait as plaim mear elter kemmen, bou as hòt a turistikdruck ont bou as de gamoa'schèft òlbe ermer kimmip, ver za vourstelln **naia vourtschbinnen ont projektn**.

Durch **gadenkpaitrogn ont vourstelln va studiareta platz** bart men se auhòltn za verstea' bos as s ist gabèckslt en de jarder, en sèll as s ist noch za passiarn en de doin zaitn ont as de projektn, strategi ont politik ver de zukunft. S barn toalnemmen vil auskenneta lait abia de Letizia Bindi (UNIMOL), de Federica Buffa (UNITN), der Marco Bussone (UNCEN), de Federica Burini (UNIBG), der Paolo Costa (FBK), der Roberto Poli (UNITN), der Annibale Salsa (TSM Step) ont der Pier Paolo Viazzo (UNITO).

Der zòmmtrèff bart organisart kemmen en drai plenartrèffn ont zboa tiavatrèffn as de temen: kultur ont lòntschèft, lòntwelfare, birtschèftbòcks ont turistikbòcks.

Der innlon za trong an aigenen tschbinnpaitrog, de vourtschbinnen ont sèll as auser kimmip va de suach keart en de lait as studiarn de bècksln van hoachen lander, en de suacher junior ont senior, en de auskenneta lait ont en de polcy maker as billn bèrt gem en de pèrnglander.

De abstract ont de poster barn meing kemmen tschickt vour de 26 van oberel 2024 ont de barn kemmen tschazt van bishchèft komitat van Zòmmtrèff.

De sòchen ver za mèllnse u' meing kemmen oorganommen va de sait Call for abstract ont poster, bou as der bart vinnen òlla de nochrichtn van Zòmmtrèff.

Der Zòmmtrèff ist organisart pet en schutz va: de autonome Provinz va Trea't, va de onlus Lòntschèftn, van tsm|step Schual ver en lòntregiar ont ver de lòntschèft ont van Gamoa'n Gamoa'schèftn Pèrngdinstn Zòmmstòtt.

Ibersetz gamòcht van Sprochtirl va de Tolgamoa'schèft Hoa Valzegu' ont Bersntol

(cdt)